

Puedino cjatâsi un rapper furlan di 33 agns, un predi furlanist dal secul passât e un musicist e composîtôr dal 1500?

La rispueste e je sì se i nons a son: **Mauro Tubetti**, in art Dj Tubet, 33 agns di Nimis, tra i plui cognossûts de sene rap furlane che pe ocasion al à colaborât cun **Camilla Grassi**, in art Milly, che pe prime volte e cjante par furlan; Pre **Checo Placerean**, predi, insegnant, furlanist, nassût a Montenârs ai 30 di Novembar dal 1920, muart a Udin ai 18 di Novembar dal 1986 e autôr di "La nestre storie", la publicazion che e je la trascrizion di une conferenze tignude di pre Checo, intal Invier 1978, a Vasinis; **Giorgio Mainerio**, musicist e composîtôr, nassût a Parme intal 1535, muart a Aquilee intal 1582 e autôr di "Putta nera, bal furlano".

STRUMENT DIDATIC

La ocasion di chest incuintri artistic che si lee tai secui le à dade la Agenzie regionâl pe lenghe furlane che e à domandât a Dj Tubet di meti adun une cjançon che e podedi jessi doprade tant che strument didatic pe divulgazion e la riflession storiche furlane "Chel di Dj Tubet, un musicist pluripremiât e un educadôr, al è un lavôr di sintesi ben realizât che la Arlef e à decidût di sostignî e doprâ cun doi fins: un propit didatic (intes scuclis primariis di prin e secont grât) e chel altri tant che veicul multimediâl promoziônâl de Fieste de Patrie dal Friûl che si celebrârà ai 3 di Avrîl dal 2016", al dis il president de Agenzie, **Lorenzo Fabbro**. E ven fûr cussì "No sta a contâmi dome chê storie", che e à tant che curnis la storie di un soldât in trincee di



Presentade a Udin, te sede de Region, la gnove cjançon metude adun di **Mauro Tubetti**, in art Dj Tubet, e il concurs pe realizazion di un video pe imagin promoziônâl de Fieste de Patrie dai 3 di Avrîl dal 2016.

» DI CHRISTIAN ROMANINI

Par no contâ dome chê storie

lunc de I Vuere mondiâl che, inte spiete dal gnûf ordin di atac, al ripasse lis tapis plui impuartantis de storie dal Friûl fasint cussì une piçule riflession su la vuere, la pâs e lis propriis lidris.

CONCORS DI IDEIS

Ae presentazion uficiâl de cjançon, martars ai 15 di Dicembar te sede de Region a Udin, al jere, presint ancje **Diego Navarra**, president de assemblee de comunitât linguistiche furlane che e met adun 80 sindics, che al à comentât "Dj Tubet al à realizât un strument une vore util par judâ la

cognossince de storie dal Friûl: al sarà nestri impegn proponilu ai sindics dal territori e aes scuclis". Pe ocasion al è stât presentât ancje il concurs di ideis pe realizazion dal video, che al deventarà la imagin promoziônâl uficiâl de Fieste de Patrie dai 3 di Avrîl dal 2016 e che al met a disposizion 7mil euros pal regist vincidôr: duj i detais a son sul sît de Arlef (www.arlef.it).

Al è timp fin ai 20 di Zenâr dal 2016 par podê partecipâ discjantant il bant di concurs e compilant la relative domande.

✉ ilfriuli@ilfriuli.it

■ GLESIE FURLANE

Ultin apontament par 'Incuintris di Vençon'

Glesie Furlane (www.glesiefurlane.org e www.facebook.com/glesiefurlane) e à organizât l'ultin, pal 2015, "Incuintri di Vençon", la schirie di apontaments culturâi che la associazion, nassude de ispirazion di pre **Checo Placerean** e pre **Antoni Beline** e vuê voidide di bons. **Roberto Bertossi**, e à chê di fâ riscuvierzi lis lidris storichis, culturâls e religjosis aquileie-sis dal Friûl.

L'apontament al è par domenie ai 20 di Dicembar aes 3 dopomisdî in Domo a Vençon, dulà che a saran presentâts la "Novene di Nadâl" e il "Cjant dal Missus", sostignûts dal coro "Rosas di Mont" di Guart, diret come simpri di pre 'Sef Cjargnel. Prime de funzion, pre **Loris Della Pietra**, diretôr dal Ufizi Liturgjic Diocesan, al presenterà "Missus est - Celebrazion de Novene di Nadâl". Si trate di doi elements fondamentâi pe celebrazion dal timp dal Avent e dal timp dal Nadâl, che a rapresentin pe tradizion religjose furlane un maniere tipiche di vivi chest moment dal An.

SCOLTADIS DI DRIUS

Nissun rispjet

Duc' mi cjolin vie s'ò soi un fregul bevût, ma nissun mi pae di bevi quand ch'ò ai sêt.



Euronews informa

Gnûf progjet de Provincie di Udin cuintri la violence su internet

Un dolôr profund che i à scjassât la vite. Ma ancje un grant corajo e fuarce par fâ cuintri e denunziâ lis violencis patidis par mieç di Facebook, metudis in vore di un grup di bulos, vâl a dî ats di discredit fâts su la rê internet che i àn puartât vie la serenitât. Cheste e je la storie di Flavia, 17 agns di Ostie (Rome), vitime di cyberbulisim. I fats a van indaûr a cuant che e veve 13 agns; jê, in prime persone adun cun sô mari Anna Rita, ju à contâts ai zovins des scuclis superiôris che si son dâts dongje al auditorium Zanon pe presentazion de edizion 2015 dal progjet "New Tribes" par cure de Provincie di Udin finalizât a sensibilizâ i students sul cyberbulisim, la violence fate a traviere la



rêt, lis consecuencis e i patiments des vitimis. Par Flavia e je stade la prime testimoniance publiche de sô storie; la sô muse e deventarà la imagin de campagne nazionâl de Polizie di Stât pal 2016 cuintri la violence su la rê. A vierzi l'incuintri al è stât il gornalist Luca Pagliari, che al veve cognossût la storie di Flavia cualchi mês indaûr. La storie e je començade cu la creazion, cence che la fantate e savès, di un profil Facebook pustic (at che si configure tant che un reât) cul fin, di bande dai bulos, di discreditâle pe sô bravetât tai studis, l'impegn tal volontariât, ma soreddut pe sô obesità. Le àn "massacrade" pal so aspjet fisic, i àn metût in bocje coments tai confronts di altris personis che

le àn metude in dificoltât, ma jê e à vût il corajo di denunziâ chescj fats, di favelânt cu la mari, cuntune insegnante che le à judade, e cu la Polizie postâl che, tal 2016, e deventarà testimonial. "A traviere la storie di Flavia o domandin ai students - e à spiegât l'assessore provinciâl Elisa Battaglia - une profonde riflession su lis consecuencis pes vitimis de violence fate in rêt midiant un ûs impropri cun fins denigratoris di internet, dai social network, des chat fatis doprant il telefonut. Soreddut la responsabilitât che a àn viers lôr midiesims e tai confronts de mularie de stesse età e dai riflès che eventualmê ats di cyberbulisim a puedin produci inte lôr vite". La storie di Flavia e sarà il fil dal discors dai lavôrs che, daspò, i zovins a varan di elaborâ in classe e dulà che a varan di fâ cognossi lis emozions vignudis fûr de storie. Il progjet al è coordinât de Provincie di Udin dutun cul Dipartiment des Dipendencis de Aziende pe Assistenza Sanitarie n. 4 "Friûl Centrâl" e graicis a la poie de Fondazione Crup.